

DISPUTATIO JURIDICA

DE

REBUS SANCTIS,

QVAM

DIVINA ADSPIRANTE GRATIA,

SUB PRÆSIDIO

DN. JOHANNIS HENRICI

Böttgers/ J. U. D.

Juris Can. & Feudal. in Academia Julia Professo-
ris Ordinarii Celoberrimi, ut & Dicafterii Guel-
phici Assessoris gravissimi,

Dn. Præceptoris ac Patroni sui summe
devenerandi,

publico examini submittet

d. xxi. Octobris

AUTOR

JOHANNES JUSTVS Voigt

Riddagshufanus.

HELMESTADI,

Typis GEORG-WOLFGANGI HAMMII, Acad. Typogr.

Anno M DC LXXXV.



ORIGINAL MANUSCRIPT

REBUS SANGUIS

IN HONOREM
HENRICI
SANGUIS

PER
HENRICI
SANGUIS

IOHANNES VESTIS

PER
HENRICI
SANGUIS

V I R O

*Maxime Venerabili, Excellentis-
simo, atq; Spectatissimo*

DN. BRANDANO
D Æ T R I O,

S. S. Theol. Doct. ProtEcclesiastæ Guelphico me-
ritissimo, Consistorii quod ibidem Directori gra-
visimo, & Abbati Riddagshufano summe
Reverendo.

Patrono meo ætatem pie colendo.

V I R O

*Magnifico, Amplissimo atq;
Experientissimo*

DN. HENRICO MEI-
B O M I O,

Med. Doct. ejusq; & Histor. ac Poët. Prof. Publ. &
Ord. longè celeberrimo, Facultatis Medicæ Senio-
ri & Archiatro Guelphico longè
felicissimo,

Patrono meo omnis observantiæ cultu ætatem
prosequendo.

Vir

*Maxime Venerabilis, Excellentis-
sime atq; Spectatissime.*

Vir

*Magnifice, Amplissime atq;
Experientissime.*



E accusari fortassis pos-
sim, me de REBUS
SANCTIS dissertatio-
nem editurum, statim
initio

initio nullam, vel debitam saltem Personarum sanctarum rationem non habuisse; dum scilicet eam iis quibus debebam non consecraverim: in conspectum vestrum jam prodeco, Vobisq;, Mæcenates æternum devene-
randi, illam pie offero. Detertere equidem, fateor, facile me potuisset materiæ tenuitas; cum *non omnes arbuta juvent humilesque myricæ:* nec ratio eandem tractandi levior multum favoris sibi conciliatura videtur. Sed insignis Vester in studia liberalia eorumque cultores favor, qui vos non parum ab aliis homini-

non):(3 bus.

bus separat, bono me jubet esse animo, audaciæq; meæ abunde veniam promittit. Accedit singularis pietas, & vinculum quo Vestris Nominibus obstrictus sum haud vulgare, quæ testimonium aliquod ejus quod Vobis debeam exstare volunt. Etenim si ad plurima & quotidie in Parentes, in Fratrem, in me collata beneficia respiciam, iis sane ita me obrutum cinctumque intelligo, ut expediendi ratio vel fere nulla, vel maxime ardua appareat. Ne vero iis debitoribus annumerer, qui, quib⁹ multum debent iisdem & plurimum volunt debere,
non

non potui non hoc ingratissimi ani-
mi vitiũ à me declinare, Vobisq;, Pa-
troni omnis observantiæ cultu pro-
sequendi, monstrare, quam sancte illa
mecum servẽ, & nunquam non sub-
missâ mente venerer & admirer. Vo-
bis igitur hæc laboris mei Academi-
ci primitias trado, Vestrum patroci-
nium verbis meis, non eruditionem
quidem, at observantiam tamen spi-
rantibus gratiam certissimam polli-
cetur. Quod reliquum est DEUM
pro Vestra utriusque incolumitate
& salute ardentibus precibus venera-
ri nunquam cessabo, ut Vos & Pa-
triæ,

triæ, & splendissimæ familiæ, in qua
vera insignium Parentum imago,
hoc est, perfecta virtus haud obscure
jam tum spectatur, quam diutissime
florentes & felicissime præeuntes su-
peresse jubeat. Agite vero, Duûm-
viri Splendidissimi, & me, uti adhuc
in me juvando fuistis solliciti porro
Vestro, id est, dulcissimo, & ut vere
dicam, Paterno amore prosequimi-
ni, & nihil erit quod non Vestris
Nominibus quam lubentissime ac-
ceptum feram, eaque sanctè semper
in oculis ferre nunquam desistam.

Dabam Helmstadii d. xxi.
Octobr. A. c15 13c xxcv.

Auſtor.



I. N. J.

THESIS I.

Omnes quidem res hominum causa productæ, non tamen singuli eandem in quascunque res habent potestatem; sed publicæ utilitatis causâ quædam res sunt extra commercium singulorum positæ, & divini juris, vel his similes esse censentur, ac in jure Civili Romano dicuntur Res Sacræ, Sanctæ, vel Religiosæ. §. 7. 8. 9. 10. *Instit. de R. D. l. 6. §. 2. & seqq. l. 8. l. 9. ff. de R. D.*

II.

Acturi autem de Rebus Sanctis juxta monitum Ulpiani *l. 1. ff. de I. & J.* pauca de significatione Rei Sanctæ præmittenda censemus; cum e re sit, priusquam ad causæ tractationem deveniamus, de significatione ipsius tituli nonnulla referre. *l. 1. ff. de Reb. Cred.*

III.

Et (1) quidem Res, cum vocabulum maxime generale sit *l. 1. ff. de Reb. Cred.* sic ut omnia fere, de quibus legibus aliquid constitutum, comprehendat §. 1. *inst. de I. & J. l. 10. §. 2. ff. de I. & J.* etiam ea quæ corpora dici non possunt *l. 23. ff. de V. S.* Ita etiam varias divisiones recipit, ut videre est *in l. 1. ff. de R. D. l. 2. ff. de V. S.* Nec in omnibus ejus significationibus
A
eruen-

eruendis erimus prolixiores : denotamus vero hic verbo REI tam res quasdam corporales sive sint mobiles sive immobiles, quam quasdam res incorporales.

IV.

SANCTUM itidem non unam habet significationem. Accipitur autem I. pro incorrupto & religioso & dicitur etiam de personis vita moribusq; integris Cic. pro Dejotaro p. 819. Sic & veteres & Sanctos viros dixit Salustius. Deinde etiam sumitur pro re in-violabili & sanctione firmata: ita Cic. pro Quinto. Nihil jam sanctum atque sincerum est in civitate: & in l. 8. ff. de R. D. dicitur sanctum quod ab injuria hominum defensum atq; munitum est; Sanctum, inquit Trebatius apud Macrobius 3. Saturn. 3. interdum idem est, quod sacrum, idemq; quod religiosum, interdum aliud quod venerabile, incorruptum, in-violatum est. Et in l. 9. §. 3. ff. eod. dicitur. Sancta proprie sunt quæ neque sacra neque profana sunt, sed sanctione quâdam confirmata. Et res quædam eatenus dicuntur sanctæ, quatenus in eas quicquam moliri nefas est. Bachov. in Comment. ad Instit. §. sanctæ. de R. D.

V.

Unde vero originem trahat n. Sanctum, scriptorum opiniones discrepant. Quidam sanctum quid dictum volunt à sagminibus herbis, quas Legati Populi Romani ad hostes missi secum ferre solebant, ne violarentur. aut. Marcian. in l. sanctum 8. §. 1. ff. de R. D. Et hinc Legati etiam sancti indigitantur in l. f. ff. de legat. quod & pluribus & non ineleganter explicat Quirinus Kubach. cent. 1. quæst. illustr. decur. V. quæst. 1. & ex hoc adduxit, Harpprecht. in Comm. ad inst. §. sanctæ 10. de R. D.

R. D. num. 1. Nonnullis placet illam vocem derivare à sanguinibus; quod sancire idem sit ac sanguine effuso confirmare; uti ex *Aggen. Urbico citavit Schard. in vñge sanctum.* Alii illam vocem deducunt à verbo sancio; quod idem est ac quid facere inviolabile, cui sententiæ & nos subscribere nulli dubitamus. *arg. l. 9. §. 3. ff. d. tit. Schard. in lexic. in voce sanctum.*

VI.

Dicuntur igitur nobis RES SANCTÆ quæ contra injuriam hominum sanctione quâdam defensæ atque munitæ sunt *d. l. 8. ff. d. t.* sive quæ peculiari sanctione à profanatione exemptæ & certa cum veneratione observandæ sunt; *Harpprecht. in Comm. ad instit. §. Sanctæ. de R. D. num. 1.* Et sanctio est ea pars legum quæ poenâ continetur eorum qui contra leges fecerint, *l. 9. §. 3. ff. de R. D. l. 41. ff. de poen. Schneidewin. in Comm. ad instit. d. §.* Hæ res sanctæ quodammodo sunt divini juris; uti legitur in sæpius *d. §. 10. inst. d. R. D. & Vñhn. in annot. ad b. §.* Sicut enim res sacræ DEO sacratæ; penitus divini juris adeoque in nullius bonis sunt *§. 7. & 8. instit. de R. D.* Ita etiam res quæ ad Majestatem civilem, pro terrestri Deo merito habendam; pertinent, quodammodo divini juris & in nullius bonis esse dicuntur. *d. §. 10.* unde & dicitur in *l. 1. in pr. ff. eod.* res sanctas quodammodo divini juris esse; quia vere ac proprie divini juris sunt res sacræ. *vid. Harpprecht. in Comm. ad instit. d. §. 10. de R. D.* Quamvis enim quælibet alia res quæ est in dominio, exempta sit ab alterius potestate; ut injuriarum reus sit qui re alterius, invito domino utitur. *l. 23. ff. de injur. artamen;* non statim publici delicti aut capitis reus.

est, qui talem locum vel profanaverit, vel in illo loco alium injuria affecerit.

VII.

Differunt inter sese Res Sacrae, Sanctae & Religiosae, ratione finis & ratione modi quo tales factae sunt. Scilicet Res Sacra in honorem DEI vel ad cultum divinum rite constituitur per Pontificem §. 8. *instit. de R. D.* Ridiculum & superstitiosum solennitatis consecrationum morem apud Pontificios; ex *Bellarmino tom. 1. controvers. l. 3. de cultu sanct. c. 5.* refert *Dn. Ziglerus ad Instit. J. Can. de constr. eccles.* Hodie apud nos consecratio fieri solet per verbi divini ordinarios ministros cujusque loci, quando res illa precibus ac orationibus DEO solet commendari, & ut constat, de templo DEO jam tradito, statim ea quae ad Liturgiam spectant solent exerceri; sacramentum item baptismi & coenae Domini administrari. Est enim instar traditionis rei usus l. ult. ff. de servit. Amplissimus *Dn. Praeses, Patronus ac studiorum meorum Promotor etiam colendus ad tit. instit. J. Can. de construend. eccles. Nov. 67. c. 1. & DD. comm. Vinnius in annot. ad inst. §. 8. d. t.* Rem sanctam vero non alia persona quam Majestas, & cui illud à Majestate specialiter concessum est, potest facere arg. l. 1. C. de stat. & *imag. Princip.* Religiosam vero unusquisque privatus sua voluntate potest facere. §. 9. *instit. de R. D. & Schneidew. ad b. §.* Eleganter etiam hanc differentiam exprimit *Alius Gallus*; sacrum, aedificium consecratum DEO. Sanctum, murum qui sit circa oppidum; religiosum, sepulcrum dicens ubi mortuus sepultus aut humatus est. *Schard. in voce sanctum.* Hodie non ita ut olim privati

privati arbitrii est ex suo loco facere rem religiosam inferendo inortuum, sed coemiteria & publica loca solent destinari sepulturis, ut extra coemiterium nemo in loco privato cenotaphium exstruere & suae familiae sepulturae destinare possit. *Dn. Strjkius in notis ad Brunnem. I. Eccles. l. 2. c. 2. p. 349.*

III.

Notandum tamen hic est: haec tria (sacra, sancta, religiosa,) saepius confundi, ut quod sacrum est dicatur & sanctum & Religiosum, & contra. vid. *Barbos. de jur. ecclēs. l. 3. c. 3. n. 9. Harpprecht in Comment. ad §. 7. instit. de R. D. in c. 3.* Sed licet haec saepius ita promiscue usurpentur; non tamen erunt qui inficiari queant; saepius non minus temere quam abusive haec ita confundi: commodius enim est singulas res singulis nominibus distingui. *§. 5. instit. quib. mod. testam. infirm.* adeo ut non immerito hujus rei gratia interpretes arguat *Bachovius in Comment. ad inst. de R. D.* Elegans exemplum de Tiberio refert *Suetonius Tranqu. in ejus vita. c. XVII.* Qui, cum quidam occupationes ejus sacras per adulationem fortassis nominaret, comiter & per quam modeste à se blanditias istas removebat, eundem cogens ut quas occupationes antea sacras salutarat, jam laboriosas diceret.

IX.

Uti vtro res illae Sanctae singulari privilegio gaudent, ita non in cujuslibet est potestate rem quandam alias ceteris equiparatam sanctam facere, cum res eae hominum commercio quasi eximantur, ut deinde in nullius bonis *L. §. 10.* & quodammodo divini juris sint.

sunt §. 10. *instit. de R. D. & l. 1. ff. eod.* quod & in §. 7. supra jam annotavimus: sed tantum in ejus est potestate cujus est leges ferre. Legem vero tantummodo is ferre potest, penes quem est *potestas* in rep. s. Majestas §. ult. *C. delegib.* Hujus enim est de iis providere quæ salutem reip. & promoveant & conservent ut rectissime tradidit *Magnif. Dn. Præses* Patronus meus omni observantiæ cultu prosequendus, in *dictatis ad ff. t. delegib. ex l. 1. C. de stat. & Imag. Ppum.* ubi dicitur, quod statuaserigere soli competat Imperatori & ei qui superiorem non habet, *Clapmar. l. 4. arcana rerump. 6 Gryphander de Weichbildis Saxon. c. XIX, §. 15.* Et dum illæ demum res dicendæ sunt sanctæ, quæ à lege pro venerabilibus & inviolabilibus habentur, ut in violatores poena corporis inflictiua, vel alia, sit statuta, facile apparet, quod ad illum tantum pertineat facere rem sanctam, cujus est legem ferre, & circa caput ac fortunas hominum statuere. Accedit quod illæ res quæ sanctæ dici solent ad Regalia referantur. v. g. Palatia, fortalicia &c. 2. F. 56.

X.
Nihil verò refert an res sancta expresso consensu sit facta an vero tacito. *arg. l. 32. ff. de legib.* Expresse, sit voluntate & mandato Majestatis vel superioritatem habentis, quo lege quandam rem locumve abinjuriis privatorum tutum eumve sanctum esse decernit. Tacite vero, quando consuetudine & moribus res quædam pro sancta habetur v. g. ipsum Palatium Principis ubi Princeps animo commorandi subsistit, pro re sancta haberi solet, etiamsi expressa sanctione vel legalis veneratio ipsi non sit tributa, merito enim
ejus-

ejusmodi locus, ubi sancta persona degit, sanctus præsumendus est.

XI.

Committit in rem sanctam omnis qui doli capax est, & ex proæresi quicquam in ejus ignominiam perperat. Excluduntur igitur statim ab hoc crimine infantes & infantia proximi. *arg. §. 9. instit. de inutil. stip.* In hos etenim dolus non cadit, cum perfecto judicio & deliberatione de rebus agendis vel fugiendis careant; item furiosi, cum & hi nullum negotium recte gerant. *§. 8. instit. de inutilib. stipul.* nisi forte vel ante furorem vel tempore intermissionis deliquerint, tunc quatenus injuria alios afficiunt merito plectuntur tempore intervalli; cum alioquin ob defectum rationis potius misericordiam quam poenam mereantur; eosq; ut & infantes &c. jura potius favore quam odio prosequantur. Ne tamen furiosus vel in se, vel alios quid committat custodiendus erit, *l. 14. de offic. Præs. D. Carpz. tract. crim. p. 3. quest. 145. num. 41.* Idque onus custodiae & alimentationis si propria suppetant bona ex propriis, sin minus sufficiant ex charitatis naturalis & sanguinis ratione proximis agnatis & cognatis hæc cura committenda, his vero deficientibus Magistratui competit. *vid. l. 14. de offic. Præs. Ordin. Provinc. Saxon. d. anno 1543. Et 1555. sub tit. Was zu Ober- und nied. der Erbgerichten gehöret.*

XII.

His annumerari solent summe ebrii, quorum mens alienata videtur: ut vero in aliis ita etiam hic observandæ sunt circumstantiæ, quis & qualis sit is qui inebriatus est, an raro an frequenter inebrietur;

an sciat quod temulentus in alios peccare soleat, quo loco, quo tempore, qua occasione, quo genere potus inebriatus sit, quem etiam gradum consecutus sit; an ubi crapulam edormivit adhuc rei gestæ conscius sit, an non, an eum facti pœniteat an non, an ante inebrietationem verisimiliter tale factum quod post commisit, meditatus sit, an non; an ebrietatem facile evitare potuerit & debuerit; an ex proposito & deliberato animo tantum potus assumerit, ut ebrietatem contraheret. Interdum enim Germanorum dictarium: Wer in trunckenem Muht stilt/ muß in wicktern hängen/locum habet.

XIII.

Alia ratio est illorum, qui pubertati sunt proximi; cum illi jam tum intelligant se delinquere. §. 17. *instit. de oblig. quæ ex delict. nascuntur.* Doli enim hi sunt capaces adeoque & puniri possunt. *arg. §. 1. inst. quib. mod. tut. fin. l. 13. §. 1. de dolo. l. 111. ff. de R. T.* Cum tamen non sint uniusmodi, sed in quibusdam malitia suppleat ætatem, quidam vero sint tardioris ingenii; ideo ex illorum dictis, gestis & factis æstimandum, quantum doli & malitiæ in ipsis cernatur vel non. *Dn. Brunnem. cent. 4. dec. 2.* ubi refert exemplum de impubere capite punito. *Const. Carol. art. 164. D. Carpzov. p. 2. q. 82. num. 19. Et passim alibi.* Alias tamen plerumque propter lubricum adhuc ætatis iudicium pœna extraordinaria obtinet, præsertim si delictum sit contra jus positivum. Et ita si in rem sanctam quid commiserint, pro ratione circumstantiarum pœnam incurrunt.

XIV.

Peccant præterea in rem sanctam non solum cives sed

ves sed suo modo etiam peregrini. Quamvis enim peregrini non sint obligati legibus civilibus, sanctæ vero res suam auctoritatem ex lege civili habeant; attamen quatenus in certo loco degunt, & jurisdictioni iudicis illius subsunt, leges illius loci violare non debent; præsertim si id quod certa lege locali prohibitum, jure communi prohibitum reperiatur. Mevius *ad Jus Lub. quæst. præl. 4.* Sic verò pax Burgen- sis & cives & peregrinos obligat; exemplum est in edicto Ser^mi Principis Augusti, gloriosæ memoriæ; Guelpherbyti publice olim affixi. Verba sunt hæc: Von Gottes Gnaden etc. — entbieten allen Unterthanen/Verwanten auch Fremden/auch allen dieses Bietes aufsiehtigen it. paulo post; Gebieten demnach allen unsern Dienern Unterthanen Verwandten auch Fremden etc. Ne vero ejusmodi peregrini ignorantia legis se tueantur, salutare admodum est (1) Si publice affigatur edictum vel signum securitatis (2) ut cauponæ alique qui diversoriis præsunt, remque cauponariam exercent, advenas moneant; tunc enim ignorantia ut & error circa leges & officium cuique injunctum ab imputatione non liberat. Pufendorf *de Off. hominis l. 1. c. 7. §. 21.* quod etiam expresse cautum legitur in dicta constitutione, quæ videatur.

XV.

Huc etiam merito referuntur, qui impedire & potuerunt & debuerunt, ne res sive locus sanctus profanaretur; cum illi culpa nequaquam careant. Hi enim sæpe aliorum operationes & actiones tenentur moderari adeoque earum eventus merito his imputantur ut loquitur Cl. Pufendorf. *de off. hominis* &

ci. v. l. i. c. i. §. 18. Cum vero is, cui aliorum cura deman-
data, omnia fecerit quæ directionis sibi injectæ natu-
ra ferebat, ubi nihilominus quid ab altero patratum fu-
erit, patranti soli imputabitur. *vid. Pufend. d. l. §. c. §.*
ead. Neq; excusantur ii qui consilio quicquam perpe-
trandi alios juvant, quiq; huic rei quasi ignem admo-
vent.

XVI.

Ipse insuper inhabitans locum sanctum, quic-
quam in eum committere potest quo omnino profa-
nietur. Licet enim Legislator se ipsum obligare nolue-
rit, legemque de re quadam sive loco sancte habendo,
aliis præscripserit, si tamen alterius jus per hoc factum
lædatur, aut si sit inferior eo qui rei sanctitatem conces-
sit, & in rem illam sanctam recipiat, quem salvo jure
superioris recipere non debuisset, omnino peccat. Sic
si quis Principum Imperii sprete legum auctoritate,
bannitos in arce vel in Palatio suo contumaciter tueri
persistat, videat ne palatium in pœnam inexpugna-
bilis contumaciæ patiatur aratrum, quale superiori
seculo fatum habuit munitissima Thuringiæ arx Go-
thana, dicta Griminenstein. *vid. R. I. de anno 1567.*
vers. Bietwel wir nun. Sunt enim ejusmodi loca
in securitatem personarum sanctarum non vero ma-
le eorum receptaculum exstructa: maxime vero
interest cujusvis reip. ne delicta maneant impunita.

XVII.

Quod attinet ad res quæ pro sanctis habendæ sunt;
hæ sunt vel corporales, vel incorporales. Ex rebus
corporalibus sanctæ sunt. *Muri, Porta, Asyla,*
Palatia, Statua & Imagines Principum. *§. 10.*
inst. de

instit. de R. D. l. 8. ff. h. t. C. tit. de Comitib. & Archiatr. Sacri Palat. it. C. de privileg. eorum qui Sacro Palatio militant. & passim. Quæ res omnes eatenus dicuntur sanctæ, quatenus in eas quicquam moliri nefas est. *Bachov, ad §. 10. instit. d. R. D.* Inter res incorporales eminet Majestas, Superioritas territorialis, Lex, Officium Judicis, Patria Potestas, & similis res. Non incongruum igitur erit singula ordine jam percurrere, & quidem,

XIX.

I. Muros quod attinet, ii dicuntur sancti in jure nostro Romano. *§. 10. instit. de R. D.* Cum enim maxime intersit civitatis ut sacra testa præstetur, ut ab injuriis & variis privatorum invasionibus sit immunis, merito quælibet Majestas ea, quibus securitas publica obtineri potest non negliget, sed sedulo curabit. Maximum vero erit præsidium quo se suosque tueri possit, si gravissimis pœnis malevolos à murorum læsione & corruptione arcere possit.

XIX.

Dicuntur Muri ea pars munita qua urbes cinguntur: neque tantum hoc vocabulo denoto lapides sive calcem, ex quibus constat murus; sed omnia illa quæ ad muniendam urbem faciunt, qualia sunt valla, aut propugnacula, ad ipsorum murorum sive moenium defensionem exstructa, etiam muros castrorum. Nam sæpius muro urbs caret, ejusque loco vallo circumducta est, non minus tamen is qui vallum transcendit, si cetera sint paria, ac qui per murum castrum urbemve ingreditur in pœnam incurrit. *Modestinus in l. 3. §. 17. ff. d. re milit.*

Observanda etiam hic mihi venit illa veterum Romanorum constitutio urbium; in qua admodum erant religiosi. Fiebat autem illa aratri inductione; de qua eleganter scribit *Varro l. IV. de LL.* Oppida condebant in Latio Hetruscoritu multa, i. e. junctis bubus tauro & vacca, interiore aratro circumagebant sulcum. Hoc faciebant religionis causa die auspicato, ut fossa & muro essent munita. Terram unde exculperant *Fossam* vocabant, & introrsum factum *Murum*, postea quod fiebat orbis, urbem. Quæ inductio aratri etiam observatur in veteribus nummis; per quam coloniarum deductio significatur. Scilicet apparet in his conditor coloniae cinctu Sabino, stivam tenens, præeuntibus tauro & vacca junctis. Qualem inter alios plures egregios elegantissime excusum nummum, à *Magnifico Dn. Meibomio Hospite meo ac Mecenatæ atatem devenerando*, ex amplissima ejus rariorum veterum nummorum gaza depromtum, me vidisse memini. *vid. etiam Henel. ab Hennefeld. in otio Uràtislar. c. IIX. ubi de hisce rebus accurate differit.*

Quinam verò muri dicantur sancti inter Jctos varie disceptatur. Non desunt qui affirmant urbis Romæ muros tantum sanctos esse, idque elicere student *ex l. ult. ff. de R. D.* in qua lege poenam capitis ad muros urbis Romæ restringi dicunt, adeoque alias urbes excludunt, quos etiam propterea arguit *Harpprecht. in Comment. ad instit. §. 10. num. 8.* Loquitur sc. *§. 10. instit.*

inslit. junct. l. i. in pr. Et l. 8. §. 2. generaliter atque ideo ipsi verbis, quod præsertim in l. 8. videre est, municipia exprimit & comprehenditur; non vero demum per interpretationem ad ea extenditur. Gædd. in l. rei appellatio §. ff. de V. S. num. 16. Ludov. Rom. sing. 743. incip. quæstio est de facto. Majus tamen interesse Reip hic subest, ut Muri illius civitatis quæ sunt caput vel sedes Imperatoris ac Imperii, aut ubi scrinia, Archiva asservantur, farti tecti conserventur, quam subest circa cujusvis municipii muros. Unde communiter receptum est, ut civitatum municipalium muri quidem pro sanctis habeantur; non tamen eodem gradu poenæ afficiatur, qui hos violaverit, quod ipsum præjudiciis confirmat Jul. Clar. l. §. sent. §. ult. quæst. 68. Decis. Lucens 90. num. 14. Boer. Decis. 232. num. 1. Et seq. Berlich. p. 1. decis. 70. num. 5. Carpzov. pr. crim. q. 40. num. 4. add. Hahn. ad Wesemb. d. R. D. Incidit etiam in crimen peculatus qui ex muris quid aufert: Theod. c. crim. dec. 9. tb. 3. lit. C.

XXII

II. Et Portæ civitatum eodem cum muris numero habentur. *pr. §. 10. inslit. Et l. 1. it. l. 8. ff. de R. D.* Huic voci nomen ab importando & exportando impositum videtur. Egregie vero de hujus vocabuli origine *Cato apud Isidorum. l. xiv. c. xi.* Qui urbem, inquit, novam condit, tauro & vacca aret, ubi araverit, murum faciat. ubi portam vult esse, aratrum sustollat & portet, & portam vocet. Neque obstat quod objicit *Plutarchus Et Alexander ab Alexand. genial. dierum l. 6. p. 933.* propterea portas non adeo sanctas esse quod varia impura per eas efficerantur. Uti enim solem

non inquinat quod varia sordida suis radiis perlustret;
ita nec portarum sanctitatem rerum illarum quæ ef-
feruntur impuritas violat. vid. *Bachov. in Comment. ad*
§. 10. instit. d. 1. Non enim tantum inserviunt portæ
ut civitas, arx, vel castellum recte occludatur, & omnes
qui ab introitu arcendi sunt repellantur, sed olim
apud Ebræos etiam in portis civitatum judicia exer-
cebantur. *Deuteron. xvi. Amos c. v. ibi constituitur in*
porta iudicium. Et magni momenti est regale, jus for-
talitii, jus clavium, intradæ, & aperturæ. *Wesenb. p. 1.*
Cons. 2. num. 18. Bidenbach. quest. nobil. 12. art. 22.
Rosenthal. de feud. c. 2. conclus. 78. Knicke de J. terr. c. 4.
num. 497. Qui igitur portas temere violant ut violato-
res rei sanctæ sunt puniendi.

XXIII.

Tertio loco ad *Asyla* accedimus; hæc inter res
sanctas etiam non immerito referenda. Derivant au-
tem hoc nomen nonnulli ab a privativo & *συλα* traho,
quod ex eo neminem qui ad id confugisset liceret ex-
trahere. *Covarruvias l. 2. variarum resol. c. xx.* Me-
lius tamen fecisse mihi videor si deduxerim vocem il-
lam à verbo *συλαῖν*, quod idem est ac rapere, spoliare,
violare, cui præfixum est *α* *συντυχία*, quod etiam ap-
probat *Olearius in tractat. de asylis Ebræorum §. 1.*
aliam Etymologiæ rationem tradit *Lud. Vives in not.*
ad August. de civit. Deil. l. 1. c. 34. Alii aliunde derivant,
Petr. Gregor. Synt. Jur. lib. 33. c. 21. num. 3.

XXIV.

Sunt autem *Asyla* loca ad quæ confugiebant cri-
minis cujusdam ex improvviso rei, alijque miseria eo
adacti

adaſſi, ut ibi ſecuritatē uſque ad delicti fortunæque cognitionem conſequerentur. Et dicendum quidem eſt, eſſe *aſyla alia locorum ſacrorum*; qualia olim fuiſſe legimus Eccleſias, templa, altaria. Sic confugit ad Altaris cornua Adonia ut ibi miſericordiam impetraret ob Numiniſ reuerentiam *I. Reg. I. verſ. 49.* Neque videtur diſplicuiſſe iſte modus quo miſeri tuti eſſe poterant ipſi Deo, quod ſæpius in ſcriptura licet obſervari. Exprobravit etiam ipſe Chriſtus Judæis homicidium Zachariæ filii Barachiz quem occiderant inter templum & altare, cujus vindictam in illis futuram prædixit *Matthæi c. xxiii. verſ. 35. & 36.* Virgilius inquit lib. 6. *Æneid.*

Talibus orabat dictis, aræq; tenebat.

Et templa quidem ſemper fere jus aſylorum habuiſſe ſatis ex hitoriis conſtabit, neque denegarunt illud privilegium templis ipſi Ethnici: *Auguſtin. de civ. Dei lib. I. c. 4.* Demetrius quamplurima privilegia populo Judaico concedens, inter cetera hæc adjecit: *Maccabæorum c. x. verſ. 43.* *Et quicumq; confugerint in templum quod eſt Hieroſolymis & in omnibus finibus ejus obnoxii Regi, in omnibus negotiis dimittantur & uniuerſa qua ſunt eis in regno noſtro libera habeant.* Idem etiam teſtatur *Maro Æneid. I* dum ait:

Cunctis nam læti navibus ibant

Orantes veniam & templa clamore petentes.

Nec invitus ab Eccleſia extrahendus *l. 2. l. 6. C. de hiſ qui ad Eccleſ. conf.* Et Jure Canon. licet gravia delicta quis

quis perpetraverit ab Ecclesia extrahendus non est. c. 6.
X. de imm. Eccles. Co. varr. l. 2. Varr. resol. c. 20. n. 1.
inf. n. 6. vers. septimo deducitur. Quæ immunitas
etiam hospitalibus concessa, imo & circuitus Ecclesiæ
à violatione immunis. c. sicut antiquitas xvii. 4.
Oldrad. conf. 55. Farin praxi crim. l. 1. q. 28. n. 36.
XXV.

Alia sunt *locorum profanorum* qualia olim fu-
isse legimus in sacris Urbes, quæ hunc in usum institu-
tæ reperiuntur, uti nimirum ii qui inopinato homici-
dio manus commacularant à vindice sanguinis (ut
loquitur Scriptura) tuti essent. *Numerorum. xxxv.*
vers. 6. & pass. Scilicet jubebat Deus separari has ur-
bes Refugii tam filiis Israël quam advenis & peregrini-
nis, ut confugeret ad eas qui nolens sanguinem effu-
disset; in quibus cum fuisset profugus, cognati occisi
non possent eum occidere, donec staret in conspectu
multitudinis & causâ ejus dijudicaretur. *Numerorum*
xxxv. vers. 10. Deuter. xix. vers. 2. Jos. xx. vers. 2. Vo-
luit nimirum Summum Numen ut iis, quibus ipsum
verisimiliter parceret, & ab hominibus parceretur, ne-
ve sæpius innoxii in supplicium traherentur, sanguis-
que humanus ab hominibus, vindictæ ut plurimum
cupidissimis, temere effunderetur, atque ita ex mino-
ri malo majus erumperet. De urbibus Germaniæ
quæ gaudent Jure *Asylorum* vid. *Rittershus. de asyl.*
p. 23. Etiam in statuis Cæsarum fuit quandoque Jus
asyli l. 17. §. 12 ff. de *Ædil. edict. l. 1. C. de his qui ad stat.*
confug. Quin & privatis domibus hoc privilegium con-
cessum refert *Magerus de Advocat. armat. c. 1. n. 93.*
quæ vocantur *Cend=Freye-Häuser.*

XXVI. Asyla

Asyla etiam quamplurima habuerunt Ethnici, inter quæ non ultimo loco referendum illud à Cadmo positum constructis Thebis, ad replendam urbem incolis, quod, ut ferunt nonnulli, etiam antiquissimum est: illud etiam Herculi adhuc viventi positum apud Nili ostium Canopium; illud Romuli ad locum opacum & vallem inter Capitolium & arcem, de quo Ovidius:

Romulus ut saxo lucum circumdedit alto

Quilibet hic, inquit, confuge, tutus eris.

Pluraque alia quæ hic enumerare supersedeo, vid. Lud. Vives ad *Augustinum de Civ. DEI l. i. c. xxxiv*. Ita vero Ethnicorum asyla fuerunt comparata, ut quamvis initio nonnisi illis, quos inopina miseria depresserat profuerint; tamen deinde cuius scelesto etiam ex proæressi delinquenti paterent; ut Tiberius Imperator etiam in eis si non omnino abrogandis, ad certum tamen numerum formamque redigendis admodum esset sollicitus. Quem abusum etiam animadvertens Carolus M. usque adeo asyla non erexit; ut etiam flagitiosis ea ademerit lata lege, ut fures, adulteri, homicidæ, aliive criminosi, si ad asylum templumve fuga elapsi forent, repeterentur. *Aventinus l. iv. Annal. Bojor. & Gryphiander de Weichbild. Saxon. c. lxxvi. §. 20.* Quod magni Principis institutum salutare admodum fuit; ne forte illi qui ex proposito peccarunt, ut dolosi homicidæ, adulteri, fures, virginum raptores, aliique in ejus clementia refugium & asylum invenirent. Delicta enim non debent manere impunita, & abominatio est coram Domino qui

absolvit impium, ac qui parit lupis necat oves. Quod etiam expresse cautum legimus in lege cum divina *Exod. xxi. vers. 14.* tum humanâ *N. xvii. c. 7.* Sunt enim asyla ad hoc erecta ut iis qui misericordiam merentur subveniant; non vero ut malitiosis in criminibus perpetrandis patrocinium præstent, & sint latronum speluncæ. *Molin. ad Consuet. Paris. tit. 1. §. 51. gl. 2. num. 65. & seq.*

XXVII.

Quando autem locus aliquis hoc jure Asyli est munitus, ne quidem licet obsidere illum locum in quem miser confugit, ne ad illum alimenta deferantur, *Guid. Papa Decis. cxxi. num. 2. Covarruv. l. 2. Var. Resolut. c. xx. num. 17.* Quamvis vero manifesti criminis rei non gaudere debeant immunitate; an tamen cuivis Magistratui vel judici competat potestas statim facinorosum extrahendi ex illo asylo, non una omnium est sententia. Quidam enim statuunt quod Episcopus vel Prælati delinquentem seculari potestati tradere debeat; nec secularis iudex irrequisito Prælato extrahere possit *G. Papa Decis. cxxi. Farin. prax. Crim. l. 1 q. 28. num. 76.* Plerique tamen asserunt quod eo casu ubi confugiens ad asylum indignus est isthac immunitate, non opus sit consensu Prælati, sed iudex propria auctoritate eum extrahere possit. *Boër. decis. 100. n. 3. Papa d. decis. 121. Clar. pr. crim. lib. 5. §. f. q. 30 n. 20.* Si tamen is qui asylum habet simul habeat iurisdictionem in illo loco, ejus consensus requirendus, *Klock. v. 1. c. 10.*

XXIX.

Patuerunt vero asyla in gentilismo (1) Servis;
(2) Cri-

(2) Criminum qualiumcunque etiam reis, (3) Obæra-
ratis, de quibus etiam *Tacitus eleganter ita re-
fert: Complebantur templa pessimis servitio-
rum, & addit: eodem subsidio oberatos & tan-
dem suspectos capitalium criminum fuisse re-
ceptos: De Asylo* tamen omnibus ita tenendum, ut
asylum absque immunitate loci vix concipi possit.
Non vero ab omni debito, delicto, ære alieno sta-
tim asyla reos liberarunt, sed tantum executionem
& persecutionem ad tempus distulerunt, ne iniquæ
de innocentibus sæpe poenæ sumerentur causa non-
dum adhuc cognita, iisque malum injustum ab ira-
cundis sæpe infligeretur.

XXIX.

Qui autem captivus ducitur per locum qui gaudet
jure asyli, is non est in illum locum recipiendus; *arg.
l. 6. C. de edif. pri. v.* Nam asylum confugientem ad
locum securitatis tantum tuetur, si adhuc liber sit,
Mylerus ab Ehrenbach de Princip part. II. c. 2. num. 6.
unde reprehendi solet Baldus qui statuit Cardinalem
habere privilegium liberandi reum capitis ad suppli-
cium ducendum sibi obviam factum, *Mager. de Ad-
vocat. arm. c. xv. num. 85.* Præterea quædam asyla
tantum temporariam præstant securitatem *Mager.
d. l. num. 94. & seqq.*

XXX.

Sed num è re sit reip. ejusmodi asyla habere
meum quidem hic non est disquirere, hoc tamen as-
serere non dubito; nisi exceßerint finem & intentio-

nem primæ foundationis, iisque abutantur homines, posse quidem ea in rep. tolerari, attamen non esse adeo necessaria, cum quælibet resp., quæ aliàs bene se habet, magistratibus aliisve auxiliis satis sit instructa; ita ut asylis prorsus non indigeat, cum hi innocentibus sint instar asylorum, neque adeo longe absint, ut facile ab omni injuria eos liberare possint. Vide tamen *Klockium vol. 1. c. x. num. 331. Et sequentib.* ubi late defendit, licitum esse Christianis asyla retinere.

XXXI.

Reperiuntur etiam hodie quamplurima adhuc asyla in orbe universo Christiano, præsertim vero passim in Germania, quæ sæpe non insidias tantum timentes tutetur, sed & quibusvis fontibus patrocinator, excepto certo eorum genere, quos *Magerus in tit. ciix. de Advocat. armat.* passim enumerat. Et sunt ea asyla multæ arces principales in quibus aula fovetur, der Burg-Frieden in Fürstlichen Hoffstätten. Securitas castrorum der Bestung und Krieges-Lager aliaq; plura. Vid. *Magerus de advocat. armata c. XV. num. 93.* Ubi inter alia egregie recenset multas arces quæ hodie hoc privilegio gaudent. Inter quas eminet curia Monasterii Adalbergensis apud Eslingenses: it. Neopyrgum oppidum Wirtenbergense: oppidum Alsatiæ quod vocatur Oberberckheim Singulare tamen habet celeberrimum Monasterium Salimanschweiler in quo & bannitis tutis esse licet, quod privilegium Carolus. V. ei indulgit.

XXXII.

Non reticendus hic est maximus asylorum apud Pontificios abusus, qui tam nocentibus quam innocentibus

nocentibus in suis canonibus ea constituunt. *Clar. pract. crim. lib. 5. §. fin. quest. 30.* Obverti illis saltem posse existimo illud Christi, qui templa Dei speluncas latronum fieri acerrime prohibuit, & quod Deus sit criminum ultor non protector, quodque noxiis poenam non remitti publice intersit, ne ad maleficia temere quisquam profiliat *l. 14. C. de poen.* cumque incongruum admodum sit (ut ait Imperator) personas in venerabili loco munimen habere, quem ipsi per scelus proprium despexerunt: totque contra illos militant rationes quibus enarrandis totus non sufficeret dies.

XXXIII.

Sed quaeritur: an Princeps aut Status Imperii in suo territorio asylum constituere & locum quandam tali privilegio munire possit, ut homicidæ illuc fugientes à poena liberentur? Quod omnino affirmatur: cum illud jus illis ex superioritate territoriali quam habent competat; modo non patrocinentur dolosis, sed imprudentibus homicidis, sive autem Borns Hitz überseylet sind/ omnemque poenam non prorsus tollant, sed tantum à carcere aliisque incommodis, quæ eos sequi possunt ad tempus liberent. Si tamen suspecti sint de ulteriori fuga, præstat certe eos potius ad poenam rapi quam prorsus elabi *Myler. ab Ehrenbach de Principibus & Statibus p. 2. c. 51.*

XXXIV.

Pergo ad Statuas Imperatorum & Principum; quæ haud raro leguntur Jus asylorum habuisse *Rittersbus. de J. Asyl. c. 13.* Solebant enim veteres Statuas publice dedicare & consecrar. *Diogen.*

lib. 3. in vita Platon. Lips. Comm. ad Tacit. lib. 3. Annual. verb. cum Marcelli effigiem Divo Augusto Julia dicaret p. 181. Dempster in add. ad Rosin. antiq. Rom. lib. 9. c. 7. p. 369. Rittershus. de J. Asyl. cap. 13. num. 9. Solebant etiam majoris venerationis gratia publica spectacula die dedicationis adhiberi. Sozomen. lib. 8. bistor. Eccles. cap. 20. Ob venerationem Principum, plerorumque Statuæ pro asylis habitæ sunt. l. un. C. de his qui ad stat. Princip. quemadmodum etiam recte loquitur Emundus Frigelius de Statuis illust. Roman. cap. XXXIV. in princ. quæ interdum iis adhuc viventibus interdum vero jam tum vita defunctis in honorem ob benemerita in remp. erecta sunt. Ad has statuas omnes rei spe patrocinii publice confugiebant, ut à pœna & periculo initio tuti essent supplices, neque abripere inde quemquam privata auctoritate sine gravissimo crimine decebat.

XXXV.

Confugiebant etiam olim non infrequenter ad eas Servi nimia dominorum sævitia pressi, ut sibi hac fuga consulerent, nimiamque dominorum asperitatem hoc modo à se declinarent, usque dum de causa cognosceretur. Quos etiam deinde ubi ipsorum causa prævalebat jubebantur domini bonis conditionibus vendere & pretium pro iis accipere. §. 2. *instit. de his qui sunt sui l. alieni juris*, aliàs vero gravioribus delictis obnoxii & sceleribus, desidiæ, petulantia. ibi auxilium quærentes, magistratus auctoritate inde extracti dominis reddebantur. *l. si servus cujusquam C. de his qui ad ecclesiam.*

XXXVI.

Quod vero plerumque accidere solet omnibus rebus, ut earum piissima & optimum in finem facta fundatio sæpius in malitiæ tutelam devertat, hoc etiam de statutis Principum potest observari, quippe multi confugiendo ad Statuas Principum non tam evadere periculum & injurias, quam aliis, quibus malecupiebant, inferre conabantur: *de quibus etiam videri potest. §. 26. disput. nostra.* Sed hoc deinde salutari admodum lege correctum legimus. *l. capital. §. 7. ff. de pœn.* verba hæc sunt. *Ad statuas confugere vel imagines Principum in alterius injuriam prohibitum est. Item l. un. C. de his qui ad stat.* Qui ad statuas vel vitandi metus vel creanda invidia causa confugerint, si certas habuerint causas, quibus confugere ad imperatoria simulacra debuerint jure ab legibus vindicentur. Sin vero probati fuerint artibus suis invidiam inimicis creare voluisse, ultrix in eos sententia proferatur.

Illi qui confugiebant ad statuas, eas vel amplectebantur; ut refert Tacitus *l. Annal.* *Planco maxime, inquit, quem dignitas fuga impediverat; neq; aliud periclitanti subsidium quam castra prima religionis, illic signa & aquilam AM- PLEXVS religione se tutabatur:* vel earum
 basi

basi sive pedibus adolvebantur faciunt huc verba
 Chrysost. nonne vides quam multi eorum qui injuria affi-
 ciuntur ad statuarum pedes confugiant? Tametsi materia
 est sensu destituta & æs animæ expers; sed quoniam Impe-
 ratorum sunt illæ imagines; aliquam se à pedibus illis opem
 impetraturos confidunt. Vel plane; (id quod nimium
 erat) eas in opem advocabant in necessitatibus; aut ali-
 quid ad eas agebant movendis ciendisq; affectibus. De
 hoc modo eleganter habet Plutarchus in Cæsare c.
 XCIV. de Cassio Cæsaris interfectore ita referens. *Eo*
in loco ubi Senatus est habitus vel cædes peracta,
Pompeii statua tum jacebat, ferturque Cassius ante
factum ad statuam Pompeii respexisse tacitusque eum
invocasse. Idem & in Bruto tradit. c. XXV. fertur
 inquit Cassius Pompeii Statuam conversa facie, hunc
 quasi sentientem ad auxilium vocasse; alique erant
 modi quos silentio præterimus, quosque eleganter
 notavit Emundus Frigel. libro 5 loco cit. Rittershus.
de Jure Asyl. c. 13. Adam. Corizen. lib. 7. pol. c. 5. §. 2.
 Salmuth. *ad Pancirol. lib. 1. Rer. memor. Rub. pyrami-*
des pag. 219.

XXXVIII.

Quod jam diximus de Statuis Imperatorum &
 Principum idem quoque jam revocamus, ad eorum
 imagines; quæ in non minori pretio habebantur. *arg.*
tit. C. de stat. & imag. Princip. Referunt impietatis
 quidam damnatum quod servum suum percussisset,
 qui Drachmam argenteam Tiberii imagine signatam
 gestabat. Hopping. *de Jure insign. c. 20. num. 202.* Et
 per L. Cornet. non licuit nummos Principum conficere:
 ob eo-

ob eorum imagines, & citra Majestatis crimen imagines Imperatorum conflare non licuit. *l. 4. inf. l. 6. ff. ad L. Jul. Maj. .i. C. de aur. publ. persec. l. i. C. Theod. si quis pecun. conflagaverit.* & in eas quicquam perpetrari maxime erat legibus vetitum, quod deinde audiemus, ubi de earum violatione agemus. Adeo vero sanctæ eæ fuerunt apud Romanos, ut asylorum jus illis tribuerent, multique eas in aliorum injurias portarent, (de quo etiam agit *l. 28. §. 7. in f. ff. de pœnis.* ubi gravis in eos pœna statuitur) seque hoc modo tutos putarent, non sine maximo ad quamvis petulantiam in alios exercendam instinctu. Gestabant autem eas vel in annulo, vel præferri sibi curabant, vid. *Emund. Frigel. l. c.* Et huc etiam referendi nummi quibus eorum facies impressa erat; qui itidem sancti erant, ita ut Svetonius in vita *Tiberii c. LIX.* quendam qui effigiem Cæsaris nummo vel annulo impressam latrinæ vel lupanari intulerat, capite punitum referat,

XXXIX.

Sed missis Imperatorum statuis & imaginibus, ingredimur jam eorum Palatia, quid de illis dicendum exposituri. Dicuntur Palatia in jure nostro ædes in usum Imperatoris comparata, & ab omni privatorum usu & communi habitatione excepta. *l. 14. C. de offic. Rēti. provinc. l. 17. C. de oper. publ. l. un. C. de palat. Es dom. domin.* Ahasverus Fritschius in tract. de Palat. c. II. num. 5. ita ea describit, quod sint ædes ad perpetuam vel temporariam habitationem Principis, ejusve Palatinorum usum in civitate comparatæ vel constructæ; quam descriptionem partim desumptam esse

D

existi-

existimo ex *Lebmanni Chron. Spirens. l. III. c. 33. statim initio ubi dicit. Palatia seind vorzeiten genennet / der Kaysen / Könige / und deren Stadthalter / Hoffstätthe und Wohnung / denn also werden die palatia beschreiben: Palatia dicebantur ubicunque domus aut mansio Imperatoris aut Praefecti erat.*

XL.

Sumitur autem vox Palatiorum vel late vel striete. In priori significatione etiam privati hominis magnificas & amplas aedes ad similitudinem Palatiorum & regiarum exstructas comprehendit. vid. *Rosin. antig. Rom. l. 1. c. 5.* Si striete accipiat, non nisi domicilium denotat sive habitationem Imperatoris & hodie etiam Principum der Kaysenlichen oder Fürstlichen Höffe. In quo posteriori significato eam vocem accipi notavit *Limnaeus in additamentis ad capitul. Caroli V. p. 304.* ubi inter alia ait; Hoff significat domum & Palatium Principum ac Dynastarum, qualia non tantum in civitatibus praecipuis, ubi ordinaria cujusque Dynastarum sedes est exstant, verum etiam in civitatibus Imperialibus & alibi. Ita Argentorati videmus den Brücken Hoff / den Marggräfischen Durlachischen Hoff / den Hennebergischen / Hanauischen Hoff / &c. sed haec vox praecipue de Principum secularium sede usurpatur, uti contra Ecclesiasticorum sive Pontificis sedes vocatur Stuhl. vid. *Limnaeus ad art. 1. d. capitul.*

XLI.

Ethoc modo accepta Palatia in jure nostro Romano saepius dicuntur sancta, sacra, it. sacratissima. *l. 14. C. de off. Reſtor. provinc. tit C. de Comit. & Archiatr. sacri*

sacri Palat. tit. C. de privilegio eorum qui sacro palatio milit. Scilicet dicuntur ea sacra eadem ratione qua civitatum muri ac portæ *in l. 8. § l. ult. ff. de R. D.* quod non sint violanda, ob Imperatoris Principisve venerationem, cujus sunt sedes. Imo dicerem fere sanctiora habenda esse, cum ea caput civitatis & totius reip. concludant; à cujus salute & auctoritate omnium in rep. salus & utilitas dependet: & locus merito, ut ipse homo suam habet Majestatem, *Boterus de orig. urb. l. 2. c. 11. in pr.* utque Imperialis fortuna omnes alias supereminet, ita oportet & principales aedes culmen habere præcipuum; ut in aliâ re loquuntur *Impp. in l. 7. C. de bon. quæ liber.* Imo ex historiis constat apud omnes fere gentes ab antiquo Reges sua habuisse palatia, aulas atque curias, ab usu privatorum separata *vid. D. Fritschius tract. de palat. c. 3. n. 1.*

XLII.

Inter alia jura, prærogativas atque immunitates quibus gaudent Palatia Principum, non postremum audit Securitas publica, vulgo der Burgfrieden. Affixum enim arcibus esse solet signum cui inscripta pax publica, quo ipso & alia interdum loca sanctificantur & ab omni injuria eximuntur *Harpppr. ad §. 10. n. 22. inst. de R. D.* & habent quidem hoc privilegium, ut brevibus hoc tangam Palatia Principum sive Statuum Imperii sui naturâ ac per se, ex superioritate territoriali. Ubi enim Princeps degit, ibi securitas existit, modo Princeps ibidem curiam celebret aut teneat. *arg. l. 1. C. de his qui per met. jud. l. ult. ff. quod metus causa. Mart. Mager. de Advocat. arm. c. xv. num. 93.* Deinde etiam habent jus asylorum per

l. un, C. de bls qui ad stat. confug. quod jus jam ante tot secula habuerunt, ut hoc egregie demonstrat de Regum domibus *Mart. Mag. l. c. n. 83.*

XLIII.

Præter enumeratas res corporales quæ sanctæ habentur, sunt & res incorporales quædam sanctæ, ita Majestatem esse rem sanctam & inviolabilem, Divinæ & Romanæ leges docent. Sic Imperatores Romani dicti Sacratissimi. Item *Sacra nostra pietas l. 3 C ubi Senatores.* De Titulo Sacri Romani Imperii vid. Boecler. in *Append. ad Not. S. R. I.* Rescripta quoq; Imperatorum passim dicuntur sancta, *Sacrum oraculum §. 11. l. de Adopt. Sacrum encaustum* à liquore purpureo quo subscriptio Imperatoris fiebat *l. 6. C. divers. rescript.* etiam Leges dicuntur sanctæ. Et dum parentum persona liberis semper sancta & honesta esse debet, etiam jus parentum in liberos pro re sancta habendum. Et quamvis plures res incorporales sanctæ colendæ, sufficiat tamen pro instituti ratione quædam tantum attigisse. Accedimus ad violationem rerum sanctarum imprimis corporalium.

XLIV.

Violantur autem res Sanctæ si illis ex proæresi vel sponte injuria inferatur, quod variis fit modis. Sic ut ordine quo cœpi progrediar, Muri violantur si quis eos dolo malo & hostili animo transcendat; quod etiam indigitatur in *l. ult. ff. de R. D.* ubi ait Pomponius, quod muros transcendere hostile fit ac abominandum. vid. *Harpprecht in Com. ad inst. §. 10. de R. D. num. 10.* Non tamen eodem numero censendus, qui necessitate adactus, sc. adversarium insequentem fugiendo

giendo cum aliter mortem evitare non posset, muros transcendere cogebatur; hîc enim cessat ille animus violandi, & ignoscendum ei qui pro vita servanda quicquam debuit admittere. *Harpprecht. loc. cit.* quem casum tamen rarissime evenire puto. Aliter vero statuendum fuerit, de eo, qui etiam necessitate quidem impulsus muros transcendendo violaverit, si sc. hoc ipso hosti quasi viam monstraverit; ubi facilius urbs possit impugnari & incursum fieri; dum forte fossæ non ubique eadem profunditas aut mutorum idem est valor, hic verò non ignarus eorum conditionis hosti veluti eam suo transitu probat.

X L V.

Non melioris audiunt farinæ, qui in muris, vallis aut propugnaculis ambulant, animo eorum conditionem, utrum bene mûnita sint an non, explorandi; in quos non minus ac in quosvis proditores erit animadvertendum. Quod etiam propterea non paucis in locis videmus prohibitum, & poterit etiam cognosci ex saluberrimâ hanc in rem editâ constitutione Ser^mi Principis Augusti, gloriosæ memoriæ, in edicto de Pace Burgenfi Guelpherbyti olim affixo; in quo hæc leguntur verba: Es soll auch Ketzer auffoder über unsre Bestung/ Etsaßet und Wälle vorsäßlicher oder verdächtiger Weise gehen/ stetgen/ oder lauffen. &c.

X L V I.

Murorum sanctitati non minus obstat, si absque superioris consensu illis quicquam conjungatur vel supponatur, l. 8. in f. ff. de Rer. Div. l. 11. C. de oper. publ. vid. Schneidewinus in Comment. ad inst. §. 10. de R. D. in c. 2. Peccant etiam qui propria auto-

ritate eos perfodiunt, fenestras in eis ponunt, aut aliquid quo ipsi civitati nocere possint admovent, qui deinde pro ratione delicti merito conveniendi sunt. Constat enim his rebus sua debet auctoritas, quæque in universæ civitatis emolumentum extructa, non ita à quovis privato sine illius consensu qui in civitate τὸ κοινὸν habet pro lubitu usurpari debent, & salus publica hic cuius privatæ sive utilitati sive voluptati erit anteponenda.

XLVII.

Sed quæritur hic occasione mœnium: An cuius liceat civitatem sive oppida vallis sive muris circumducere? & respondeo distinguendo sc. qui civitatem munit, aut habet jus Majestatis vel Superioritatis territorialis, aut est alii subiectus, & versatur in eo quoddam jus tertii. Priori casu nullum est dubium quin id facere possit. Sic & Principes & Status Imperii hoc jure utuntur, *art. 119. instr. Pac. §. gaudeant* modo illud fiat sui defensionis gratia nec ad alterius æmulationem aut contra vicini privilegia. *vid. Mylerus ab Ebrenbach part. II. c. LXXVII. §. 3.* Posteriori vero casu dicendum non alio modo illud jus tali competere, nisi quatenus illud ei à superiore concessum fuerit, ne forte hoc velamine in ipsius domini directi & supremi perniciem utatur.

XLIX.

Ad portas civitatis quod attinet, illæ non minus ac mœnia habentur pro sanctis, ut supra audivimus, adeoque eodem jure gaudent, ut æque puniendus sit ille qui portas ac qui muros violaverit. Violantur autem portæ civitatum, si quis eas transcendat
aut

aut prorsus rumpat & effringat. *Schneiderw. in comment. ad instit. §. 10. de R. D. inc. 3.* & quovis alio modo quid hostili animo in earum, atque ita in totius civitatis injuriam committatur.

XLIX.

Asyla violant hi qui in loco, ubi eadem constructa, quicquam committunt, quo honor qui ipsis debetur læditur. Sic qui furto in ejusmodi loco se obnoxium reddiderit, qui stuprum alicui intentaverit, is magnæ certe poenæ se hoc facto subijcit: item qui inde eum qui eo confugerat sine Magistratus auctoritate & ante causam cognitam abstractum ad supplicium rapit: & plures jam modi sequuntur ubi egero de statu Imperatorum & Principum.

L.

Statuis & imagines Imperatorum & Principum omni tempore sanctissime habitas fuisse constat ex illis quæ supra enarravi, non ingratum igitur erit si hic modos illos recensuero quibus eadem violabantur. Fiebat autem id variis modis & (1) quidem translatione in pompa funebri; sc. inter Deos relatis nihil jam amplius rei esse debere cum hominum mortalitate æstimabant. & magna poena afficiebantur ii qui id faciebant (2) Abolitione *l. qui statuas ff. ad L. Jul. Majest.* (3) Alienatione. Sic Falanio ut gravissimum crimen obiectum, quod venditis hortis & Augusti statuam simul vendidisset. (4) Si depositæ rursus non erigerentur (5) Si quis lapidis jactu eas tetigisset ex proæresi. (6) Membrorum mutilatione aut ornamentorum spoliatione. (7) Affixis ignominiosis & famosis libellis (8) Si quid prope eas irreve-

irreverenter, crudeliter, indecore, aut turpiter ageretur. Sic si quis servum apud eas caderet, vel sedaret: & Neroni exprobratur quod Statuam quandam urina contaminaret. Item (9) si quis imaginem nummo vel auro annulove impressam latrinæ aut lupanari inferret: & (10) huc referendos cenfeo Pseudomonetarios istos qui nummis suis adulterinis sanctam Imperatorum Principumve imaginem imprimunt.

LI.

Palatia Imperatorum & Principum iisdem fere modis, quos superius enumeravi, violantur. De Pace Burgenfi tamen hic addendum, quod ista, ut est in singulare munimentum Palatiorum introductum, ita & multis modis possit violari. Fit autem istud, alium in ejusmodi loco vel injuste aggrediendo, aut laceffendo, vel alapam infringendo, variisque aliis rationibus. Eleganter partim hi modi exprimuntur in *Constitutione de Pace Burgenfi Sermi Principis Augusti*, ubi ita legitur. Es soll keiner in den benahinten örthern (*ubi pax Burg. affixa est*) den andern vorseßlicher muhtwilliger Weise mit Wehren wie die Mahnen haben mögen / einigerley Weise verwunden / vergewaltigen / und versäßen oder beschädigen / auch sonst schälten / schmähen &c. Etiam iste hanc pacem violat qui cum impedire potuisset non impediabat, quod ex verbis dictæ Constit. statim sequentibus elucet. Non vero reus est fractæ pacis in ejusmodi locis, qui vim intentatam, cum aliter non possit vi à se declinat & propellit, si tantum modum servaverit nec fines defensionis egressus fuerit, tunc is etiamsi alium læserit vel prorsus inter-

interemerit non tenebitur: injuriæ enim propulsatio sæpe terminum vel limites loci non agnoscit.

LII.

Insuper notandum, tam sancta apud plerosque Palatia haberi, ut si quis tantum dolose, quovis modo id etiam fiat, deliquerit, vel temere quid admiserit, etiam si non semper cogitata finem consequantur, statim fractæ pacis Burgenfis reus sit. Sic manus elevatione ad percutiendum alterum suo modo violatur pax Burgenfis, quod praxis Imperii Romano-Germanici observat, *Wann einer in den Residentzen nur die Hand aufhebet/ so ist der Burg-Frieden gebrochen; videatur. Mylerus ab Ehrenbach part. II. c. 52. §. 8. de Statib. & Princip. Imp.*

LIII.

Sed quæritur: an etiam Princeps loci sanctitatem violet, si ipse quendam ibi percusserit? Et videtur negandum; cum Princeps legem istam de Pace servanda non sibi sed aliis tulerit, ut etiam in omnibus aliis legibus Princeps non se sed subditos obligare intendit. *l. 1. ff. de Constit. Principum.* Melius tamen facit & optimum exemplum præbet, si ut Legislator ipse id observet quod in aliis justum putavit. *l. 4. C. de legib. præsertim si securitas in gratiam tertii sit concessa, Princeps enim ex promissione tertio vel expresse vel tacite facta omnino naturaliter obligatur, nec jus alteri competens temere auferre potest. Dn. Præses in distatis ad tit. ff. de LL.*

LIV.

muros vel portas transcendunt poena capitis statuta est. §. 10. *instit. de R. D. §. 1. ult. ff. eod. Gilbertus Reg. l. 2. de iur. p. c. 4. Harpprecht. & Schneidewin. in Comm. ad §. 10. de R. D.* Quamvis non desint qui poenam hanc nimis asperam dicant, quod nihil ita sanctum & venerabile esse debeat propter quod homo occidatur, quorum nomina vid. *apud Bachov. in Comment. ad d. §.* Attamen poenam istam irrogari ipse Remus suo praedicio confirmavit. *l. ult. ff. de R. D.* Nec obstat quod hic dicunt, non mirum esse ex fratribus lupino lacte nutritis alterum ab altero esse devoratum, & e medio, regendi cupiditate, raptum. Erat enim lex posita de non violandis moenibus, qua non servata Remus justae se subiciebat poenae. Et recte quidem notat Schneidewinus in *Comment. ad d. §.* in bene constitutis & florentibus rebus publ. hanc poenae severitatem in vigore esse, addita ratione, quod nisi civitatum muri aliqua severitate custodirentur, non praestarent reip. securitatem nec possent iis cives fidere. Et quamvis inter muros & portas tanquam res inanimatas, & vitam hominis nulla sit proportio: attamen haec violatio munimentorum vitae nocere potest, & sic inter delictum per quod vitae hominum & securitati damnum inferri potest, ac vitam hominis delinquentis potest esse proportio. Sed hoc omne de jure civili: aliter tamen erit dicendum de iis locis ubi alia sunt statuta vel consuetudines.

LV.

An vero hac eadem poena afficiendi, qui municipalium urbium muros transcendunt, dubitatur, & varie inter DD. disceptatur nonnullis rigidioribusdam

busdam vero leniorem viam sequentibus, quorum nomina una fere pagina in *Harppr. Comment. ad inst. §. 10. de R. D.* non capit. Ahasverus Fritschius tunc demum hanc pœnam locum habere existimat, si tempore guerræ vel hostilitatis publicæ quis muros violaverit, aliter vero esse statuendum, si cessante periculo tempore pacis id fuerit factum. *vid tractatus ejus de Palat. Principum, c. XII. num. 11. & 12. & seqq.* Communiter autem Dd. statuunt pœnam hodie esse arbitrariam.

LVI.

Qui ædificia nova muris urbium sine superiorum consensu adjungi curarunt, ea rursus diruere tenentur *l. 14. C. de operib. publ.* quando sc. usui publico nocent: pugnat enim contra eos *l. 8. §. ult. ff. de R. D.* quæ muris quicquam conjungi aut superponi sine Principis vel Præsidis auctoritate prohibet. Idem etiam de iis dicendum qui fenestras in iis posuerunt, aut alio quovis modo nocent, quos pœna arbitraria plectendos censent.

LVII.

Qui asylorum loca violant, etiam pro ratione delicti interdum pœna capitis interdum alia sunt afficiendi: & Statuarum nomine varia equidem competunt juris remedia sive actiones partim reales partim personales partim civiles partim criminales sive pœnales. Sic (1) competit rei vindicatio; quâ is qui statuam sive imaginem in publico posuit eam potest vindicare *arg. l. 3 C. de Stat. & imag.* (2) actio injuriarum, contra illum qui statuam in monumento positam

cum locum ponatur cum tamen illa ornamento reip.
sive civitati sit futura & jam sit à Majestate concessum,
competit interdictum *ne vis fiat ei* l. 2. ff. de loco publ.
fruend. deinde removens statuam in municipio posi-
tam teneretur interdicto *quod vi aut clam.* l. 11. §. 1. ff.
quod vi aut clam. (4) Qui Imperatorum & Principum
statuas abolet aut conflat & in informem mas-
sam redigit, nulla necessitate urgente, Læsæ Majesta-
tis crimen admittit l. qui statuas ff. ad L. Jul. Majest.
ibi dicitur: *qui statuas aut imagines Imperatoris jam
consecratas constaverint, aliudve simile admisierint, Le-
ge Julia Majestatis tenentur.* l. famosi §. 4. ff. eod. Ejus-
dem pœnæ candidati erant qui lapidis ictu eas ex
proæresi petiissent l. 5. eod. Qui imaginem porta-
bant in alius injuriam carcere olim afficiebantur. l. 28.
§. 7. ff. de pœnis. Qui membra statuarum mutila-
bant, ornamentisve eas spoliabant rotæ supplicio pu-
nitos, & multos hanc obrem carnifici traditos sacrile-
giique pœna multatos probat. Dio Chrysost. orat. xxxi.
Rhodiaca. Et in genere de Regum statuâ ita scribit
Lactantius l. 2. c. 4. *Nec Deorum tantum sed Impe-
ratorum & Regum Statuæ ita cultæ sunt, ut qui vio-
laret, contaminaret, aliave contumelia afficeret, Ma-
jestatis reus fieret.* Ridiculam pœnam commemo-
rat Martialis Epigramm 79. l. xii. histrioni cuidam
infiatam qui ante Jovis statuam in Capitolio ventris
crepitum emisit, dum Jovem salutarer, quam dicis
gratia huc ponam. Epigramma est tale:

*Ante Jovis statuam crepuit satur histrio: pœnam
Jupiter indixit, vivere de proprio.*

sc. de propriis ventris sordibus. Sed hæc obiter. Pœna
Pseudo-

Pseudomonetariorum hodie est ex *Constitutione Carol. V. artic. cxi.* poena ignis, *vid. Clasenius in Comment. ad d. art.* qui dicit, quod Læfæ Majestatis crimen committat qui monetam falsificat & imaginem Principis suæ adulterinæ monetæ imprimere non erubescit *l. 2. C. de falsa moneta.*

LII.

Omne quod committitur in Palatiis Imperatorum & Principum, si ex proæresi fiat, graviores poenam meretur quam alia delicta quæ in locis tali privilegio non instructis fiunt. Sic qui stuprum in iis committit, qui furtum facit, licet rei non adeo magnæ, quandoque capitis poenam luere debet. Enarrat Ahasverus Fritsch. *in d. tract. de Palat.* præjudicium, quo ostendit quendam, qui crumenam cum 60. solidis in Camera Parlamenti tantum inciderat, 22. Jan. anno 1546. per Parlamentum Paris. ad furcam esse condemnatum. Sic in Palatiis nemini licet gladio quendam aggredi vel eundem evaginare. Si quis igitur in tali loco quid admiserit ac quempiam læserit, tanquam Pacis publicæ violator, acrioribus poenis vel amputatione manus vel interdum etiam capitis puniatur per *l. 9. §. 3. ff. de R. D. l. 7. §. f. & ll. seqq. de injur.* & recte etiam statuit *Mylerus ab Ehrenbach in lib. de Principibus & Stat. Imp. p. 2. c. 52. num. 7.* provocantem ad duellum in loco sancto capite puniri: quamvis extraordinariam poenam obtinere existimet, si provocatio tantum facta fuerit in atrio aut confini-

etner oder nicht diesen unsern Burg- und Hauffrieden
vorberührter gestalt verbrechen/ den oder dieselbigen
wollen wir an Leib und Leben straffen/ und keine Gna-
de noch einigerley Fürbitte oder Verdienst statt finden
lassen &c.

LIX.

Desinit res sancta esse sancta (1) voluntate Ma-
jestatis. Quicumque enim habet potestatem rem san-
ctam constituendi, ille & abolendi rursus potestatem
habet: & nihil adeo fortiter humana voluntate liga-
tum est quod non possit eodem modo solvi quo li-
gatum est. Sic & Tiberium, cum animadverteret,
asylorum immunitatem malefaciendi ansam homini-
bus præstare, eam abrogasse legimus, ne scelera ma-
nerent impunita. *Schard. in Lexic. in voc. Asylum.*
Deinde etiam morte earum, ut ita loquar, sive inte-
ritu rei, si sc. ea res funditus sit everfa, de quo notabilis
est versus Poëtæ dicentis:

Mors etiam saxis marmoribusq; venit.

LX.

Intereunt autem hæ res vel ob delictum ibi commis-
sum & à superiori abolentur, vel tantum ab hoste po-
tentiori vi hostili corrumpuntur. Posteriori modo
res sancta non desinit esse sancta, nisi forte ad tempus,
dum est diruta ab alio, cesset esse sancta, ubi tamen sta-
tim post refectionem etiam ejus sanctitas redincipit.
Priori vero, si ob delictum everfa fuerit, à superiore
qui fuit ejus Dominus, desinit esse sancta nec sine ejus
consensu rursus ædificari debet, & huc pertinet ever-
sio ur-

sio urbium, quæ propter obedientiam superioribus denegatam exitium patiuntur. Hæ urbes uti aratriinductione constituuntur, ita & eadem ratione devastatæ aratrum patiuntur: de quo modò videatur *Hennel. ab Hennefeld. in otio Uratistlav. c. iix. sc. si inductum fuerit urbi aratrum. jura universitatis veluti censentur perdita, ut non solum urbs urbs esse desinat, sed & posteriorum nemini liceat quicquam solo illi immobili inædificare, superstruere, ut non incomte adeo urbes dicantur mori secundum Modestinum & Lucianum in Charonte his verbis: ἀποθνήσκουσιν αἱ πόλεις ὡς αἱ καὶ αἰθέρων. vid. plura apud Hennel. c. vii. inf. & Huc pertinet etiam fortassis illa Exsecratio Josuæ in Jericho, quæ legetur. *vers. 27. c. vi. lib. Jos.**

LXI.

Atq; ita pro ingenii mei tenuitate de Rebus Sanctis dissertationem quidem absolvi: fateor tamen materiam hanc splendidam uberiolem accuratioremq; delineationem desiderare. Si qua igitur fuerint, uterunt, quæ forte minus recte posita censebit, B. L. ea singulari ejus modestiæ & humanitati commendo, utque pro sua prudentia ingenue corrigere ac supplere velit, obnixè rogo. Tibi, interim, O Sanctum Numen, pro concessa ad eam perficiendam ope


sit sanctus honos & gloria sancta!



Defendis turres, munitos aggere muros,
 Arces, & scripto munis asyla Tuo.
 Regum tutaris statuas, simulacra Deorum,
 Aras & quicquid res Tibi sancta cluit.
 Falleris, an secura satis munimine firmas?
 Et paucis castrum cingitur an literis?
 At geris insignes & dignas Codice curas,
 Dum *rebus sanctis* debita jura paras.
 Debita jure paras justâ pietate coactus,
 Quam docto tribuis Principibus calamo.
 Sint igitur, quorum sacros defendis honores,
 Felix fortunis ara reperta Tuis.
 Optamus, nunquam Te vis aut tristitia lædant,
 Donec Sanctorum Te locus excipiat!

Ita

*Nobiliss Dn. RESPONDENTI ET AUCTORI
 Commensali ET Amico dilectissimo de egregia
 Dissertatione gratulari voluerunt,
 debuerunt,*



Magnif. D. D. MEIBOMII
 CONVICTORES.

